

縫音

信佛語欣尚翫習忍樂五法所謂信精進念  
 定慧是名賢聖弟子不墮三塗是名堅法復  
 次賢聖弟子信受佛語然有限量忍樂五法  
 如上所說是名賢聖弟子不墮三塗是名堅  
 信摩訶男我今若說娑羅樹林能解義味無  
 有是處假使解義我亦記彼得須陀洹以是  
 義故鹿手釋我當不記彼釋得須陀洹所以  
 者何彼鹿手釋不犯性重犯於遮戒臨命終  
 時悔責所作以悔責故戒得完具得須陀洹  
 人少有所犯悔責完具何故不記彼鹿手釋  
 得須陀洹摩訶男釋聞佛所說歡喜頂禮而去  
 云何優婆塞 得果一切行 自輕及住處

十一與十二 解脫并舍羅 鹿手為第十

別譯雜阿含經卷第十六

十九末

淵六

控轡上音苦貢反 乘策下音楚反 啣銜上音結反 跳躑上音上  
 條下音直反 羈勒上音居反 糾舉上音俱反 瑕疵上音疾反 悵惜上音良反  
 徑古音反 慊恨上音牽反 檝音反 東靡下音彼反 悵惜上音良反

別譯雜阿含經卷第十七

淵七

失譯今附秦錄

尔時世尊在毗舍離彌猴陂岸大講堂中時  
 有四十波利蛇迦比丘皆阿練若著糞掃衣  
 盡行乞食悉在學地未離欲法咸至佛所頂  
 禮佛足在一面坐爾時世尊作是念此諸比  
 丘皆阿練若著糞掃衣盡行乞食悉是學人  
 未斷欲結吾當為彼如應說法令諸比丘不  
 起于座心得解悟盡諸結漏佛告之曰比丘  
 當知生死長遠無有邊際無有能知其根原  
 者一切衆生皆為無明之所覆蓋愛結所使  
 纏繫其頸生死長途流轉無窮過去億苦無

能知者譬如恒河流入四海我今問汝汝處生死所出血多為恒河多時諸比丘白佛言世尊如我解佛所說義者我處生死身所出血多彼恒河四大海水佛告諸比丘善哉善哉汝從往世所受象身為他截鼻截耳或時截足鐵鉤斲頭及以斬項所出之血無量無

邊又受牛馬騾驢駝猪雞犬豕種種禽獸如受雞形截其羽翼及其項足身所出血是諸禽獸各被割截所出之血不可計量復告諸比丘色為是常是無常乎諸比丘白佛言世尊色是無常佛復問言色若無常為當是苦為非苦乎比丘對曰無常故苦佛復告言

若無常苦是敗壞法於此法中賢聖弟子計有我及我所不比丘對曰不也世尊佛復告曰受想行識為是常耶為無常乎比丘對曰斯皆無常佛復問言若是無常為是苦耶為非苦耶比丘對曰無常故苦佛又問言若無常苦是敗壞法賢聖弟子寧計是中我我所

不比丘對曰不也世尊佛告比丘善哉善哉色是無常無常故即無我若無有我則無我所如是知實正慧觀察受想行識亦復如是是故比丘若有是色乃至少時過去未來現在若內若外若近若遠此盡無我及以我所如是稱實正見所見若受想若行若識若多

若少若內若外若近若遠過去未來現在都無有我亦無我所如實知見賢聖弟子見是事已即名多聞於色厭惡受想行識亦生厭惡以厭惡故則得離欲得離欲故則得解脫得解脫故則解脫知見若得解脫知見即知我生已盡淵七梵行已立所作已辦更不受有佛二

說是時四十波利蛇迦比丘不受後有心得解脫時諸比丘聞佛所說歡喜奉行

如是我聞一時佛在舍衛國祇樹給孤獨園爾時佛告諸比丘汝等當知生死長遠無有邊際無有能知其根原者一切眾生皆為無明之所覆蓋蓋愛結纏縛流轉生死無有窮已

過去億苦無能知者譬如恒河流注四海復告比丘生死長遠於昔過去受形已來憂悲哭泣所出目淚爲多爲恒河多時諸比丘曰佛言世尊如我解佛所說義者生死長遠目所出淚踰彼恒河亦多四海佛告比丘善哉善哉所集目淚實多四海誠如汝言過去來

世父母棄背伯叔兄弟姊妹兒子宗親眷屬悉皆死喪及失錢財象馬牛羊或受鞭打或被傷割侵毀形體乃至繫閉如斯衆苦悲惱流淚不可稱計譬如暴流漂衆草木聚沫塞路愛之聚沫遮賢聖道血滴受身數受地獄餓鬼畜生及餘惡趣佛問比丘色爲是常是

無常乎比丘對曰色是無常佛復問言色若無常爲當是苦爲非苦耶比丘對曰無常故苦佛告比丘若無常苦是敗壞法於斯法中賢聖弟子寧計有我及我所不比丘對曰不也世尊佛又問言受想行識爲是常耶是無常乎比丘對曰斯皆無常佛又問言若是無

清七

三

常爲是苦耶爲非苦乎比丘對曰無常故苦又問若無常苦是敗壞法賢聖弟子寧計是中我我所不比丘對曰不也世尊佛告比丘善哉善哉色是無常無常故苦苦即無我若無有我則無我所如是知實正慧觀察受想行識亦復如是是故比丘若有是色乃至少許過去未來現在若內若外若近若遠此盡無我及以我所如是稱實正見所見若受想行識若多若少若內若外若遠若近過去未來現在都無有我亦無我所如實知見賢聖弟子見是事已即多聞於色解脫受想行識亦得解脫憂悲苦惱一切解脫佛說是已諸

比丘聞佛所說歡喜奉行

如是我聞一時佛在舍衛國祇樹給孤獨園爾時佛告諸比丘言生死長遠無有邊際無有能知其根原者一切衆生皆爲無明之所覆蓋愛結纏縛流轉生死無有窮已過去億苦無能知者復告比丘譬如恒河流注四海

於昔過去生死曠遠飲於母乳比恒河水何者為多比丘白佛如我解佛所說義者過去久遠所飲母乳多彼恒河及四海水受形已來無量無邊或受象馬駝驢牛羊鹿等種種畜獸所飲母乳不可稱計譬如暴流漂諸草木合成聚沫妨塞途路愛之聚沫亦復如是能遮聖道餘如上說

如是我聞一時佛在舍衛國祇樹給孤獨園。爾時佛告諸比丘生死長遠無有邊際無有能知其根原者一切衆生皆為無明之所覆蓋愛所纏縛流轉生死無有窮已過去億苦無能知者假設有人斬截天下大地草木悉以為籌盡此諸籌欲數過去無量世來所生之母亦不能盡其邊際假設斬於大地草木悉皆以為四指之籌欲筭過去所生之父終不能得知其邊際復告比丘生死長遠邊不可得餘如上說汝諸比丘當作是學斷於生死斷於諸有更不受有時諸比丘聞佛所說

歡喜奉行

洲七

四

如是我聞一時佛在舍衛國祇樹給孤獨園。爾時佛告諸比丘生死長遠無有邊際無有能知其根原者一切衆生皆為無明之所覆蓋愛所纏縛流轉生死無有窮已過去億劫恒受衆苦一切無有能得知者復告比丘假設有入九大地土猶如豆粒以此豆粒欲數過去所受生母盡此地上亦不能得盡其邊際餘如上說是故汝等應作是學學斷後有勤求方便斷於後有佛說是已諸比丘聞佛所說歡喜奉行

如是我聞一時佛在舍衛國祇樹給孤獨園。爾時佛告諸比丘生死長遠無有邊際無有能知其根原者一切衆生皆為無明之所覆蓋愛所纏縛流轉生死無有窮已過去億數所受衆苦一切無有能得知者佛告比丘汝觀世間喜樂之衆受上樂者汝等決定應作是念我從過去以來受如此樂數受斯樂亦

皆敗失如是生死長遠餘如上說汝等今者當作是學勤修方便斷於後有諸比丘聞佛所說歡喜奉行

如是我聞一時佛在舍衛國祇樹給孤獨園  
尔時佛告諸比丘生死長遠餘如上說若見衆生受極苦毒憂愁懊惱當作是念我從昔

淵七

五

來無量劫中亦受如是無量苦惱生死長遠餘如上說汝等比丘當作是學應勤方便斷於後有莫作起有因緣諸比丘聞佛所說歡喜奉行

如是我聞一時佛在舍衛國祇樹給孤獨園  
尔時佛告諸比丘生死長遠餘如上說汝等

比丘若見有人心生驚怖身毛為豎當知前身曾作怨害是故生死長遠餘如上說汝等比丘應作是學當勤方便斷於後有諸比丘聞佛所說歡喜奉行

如是我聞一時佛在舍衛國祇樹給孤獨園  
尔時佛告諸比丘生死長遠餘如上說若見

衆生自然愛樂起於欲心心極親愛汝等當知先身之時必為父母兄弟妻子或作和尚阿闍梨師長所尊是故當知生死長遠餘如上說汝等比丘當作是學勤修方便斷於後有莫作生有因緣諸比丘聞佛所說歡喜奉行如是我聞一時佛在舍衛國祇樹給孤獨園

時有一婆羅門往詣佛所問訊世尊在一面坐白佛言世尊未來當有幾佛出世佛答之言未來當有恒河沙諸佛出現於世時婆羅門聞佛所說作是念我當於未來佛所修梵行迴還不遠復作是念我竟不問過去之世幾佛出世作是念已還至佛所白佛言世尊過去之世幾佛出世佛答之曰過去有無量恒河沙諸佛已出於世時婆羅門復作是念過去未來諸佛出世我不值遇今得值佛云何空過我當於佛法中出家學道即起合掌白佛言世尊唯願慈愍聽我出家於佛法中修行梵行佛即聽許尋得出家既出家已獨

處閑靜精勤修集斷於生死得阿羅漢佛說  
是已諸比丘聞佛所說歡喜奉行

如是我聞一時佛在王舍城毗富羅山足佛  
告諸比丘若有一人於一劫中流轉受生收  
其白骨若不毀壞積以為聚如毗富羅山賢  
聖弟子隨時聞如實知苦聖諦如實知苦集

洲七

六

知苦滅知趣苦滅道如是知見已斷於三結  
所謂身見戒取疑名須陀洹不墮惡趣法定  
菩提趣於涅槃極至十生七死得盡苦際說  
是事已復說偈言

一人一劫中 流轉受生死 積骨以為聚  
集之在一處 使不毀敗壞 猶如毗富羅

若觀四真諦 正智所鑒察 說苦因從生  
苦滅入聖道 安隱趣涅槃 流轉生死輪  
任運過七生 得盡於苦際

時諸比丘聞佛所說歡喜奉行頂禮而去  
血淚及母乳 土丸如豆粒 恐怖及彼愛  
恒沙及骨聚

如是我聞一時佛在舍衛國祇樹給孤獨園  
尔時世尊告諸比丘生死長遠亦如上說尔  
時眾中有一比丘從座而起整衣服合掌向  
佛白佛言世尊劫為久近佛告比丘吾可為  
汝敷演而說恐汝不解比丘白佛頗可方喻  
使我得知佛告比丘吾今為汝說其方喻諦

聽善思佛言比丘譬如以鐵為城縱廣正等  
高一由旬設盛芥子滿中流溢假設有一百  
年之中取一芥子城中芥子可得都盡劫之  
邊際不可得知復告比丘劫之長遠其喻如  
是如斯長劫百千億万乃至百千億万苦惱  
無量無邊處惡痛苦意所不喜猶如聚沫雨

洲七

七

滴受身數受地獄餓鬼畜生惡趣之中人中  
惡趣是故應斷後有宜勤方便遠離諸有汝  
等比丘當作是學諸比丘聞佛所說歡喜奉行  
如是我聞一時佛在舍衛國祇樹給孤獨園  
尔時佛告諸比丘生死長遠餘如上說於彼  
眾中有一比丘即從座起偏袒右肩胡跪合

掌白佛言世尊劫爲久近佛告比丘可爲汝說汝不能解比丘白佛爲可作方喻以不佛言可作方喻佛告比丘如有破石無有孔穴共同一體縱廣高下滿一由旬假使有人以細羅縠衣或芻摩細軟或以細氈百年一拂令其壞盡劫猶未盡是故我說劫之長遠邊際難得劫之久近其喻如是如是長劫數百數千數萬數千億萬衆生於斯長劫之中受大苦惱鹿澀痛苦意所不喜如似聚沫兩滴所受數受地獄餓鬼畜生入於惡趣是故汝等當斷後有勤修行道離於諸有因緣應作是學諸比丘聞佛所說歡喜奉行

如是我聞一時佛在舍衛國祇樹給孤獨園  
爾時衆中有一比丘從座而起整衣服長跪  
合掌白佛言世尊從昔已來多少劫過佛告  
比丘吾可說之汝不能解比丘白佛可作方  
喻說不佛言可作方喻假設有入年滿百歲  
於一日中晨起日中及日暮三時各憶百千

劫事如是日日憶念滿足百年猶不能得過  
去劫數邊際劫數長遠亦復如是衆生於是  
長遠劫中受衆苦極鹿澀痛苦心不生喜數  
受地獄餓鬼畜生入於惡趣是故比丘應斷  
後有勤修方便絕離諸有汝等比丘應作是  
學時諸比丘聞佛所說歡喜奉行

如是我聞一時佛在舍衛國祇樹給孤獨園  
爾時佛告諸比丘生死長遠餘如上說乃至  
過去億數之劫不可得知於此大地無有不  
是汝等故身生處死處復告比丘生死長遠  
邊際難知汝等比丘應勤方便斷離諸有諸  
比丘聞佛所說歡喜奉行

彌七

八

如是我聞一時佛在舍衛國祇樹給孤獨園  
爾時佛告諸比丘生死長遠乃至如上所說  
復告比丘此世間中無有一人不作汝父母  
兄弟姊妹妻子眷屬及以和上阿闍梨所尊  
之者此世間中無一衆生不殺害汝爲汝怨  
者亦復無有一衆生等汝不食其肉血之者

亦復無有一衆生等不食於汝身肉之者如是無始生死餘如上說是故比丘應勤方便斷離諸有當作斯學佛說是已諸比丘聞佛所說歡喜奉行

如是我聞一時佛在舍衛國祇樹給孤獨園

爾時佛告諸比丘譬如天雨既至於地即便生泡速生速滅生死之法速生速滅亦復如是無始生死長遠若斯是故比丘應勤方便斷離諸有當作是學佛說是已諸比丘聞佛所說歡喜奉行

如是我聞一時佛在舍衛國祇樹給孤獨園

爾時佛告諸比丘生死長遠如上所說復告比丘天雨密緻如縛掃筆東西南北及以四維間無空處東方無量世界衆生熾盛安樂無量世界悉皆碎壞無量世界衆生蒲中無量世界悉皆空虛無有衆生在中居止南西北方四維上下亦復如是生死無始餘如上說是故比丘當勤方便斷離諸有應作是學

滿七

九

諸比丘聞佛所說歡喜奉行

如是我聞一時佛在舍衛國祇樹給孤獨園

爾時佛告諸比丘生死長遠如上所說乃至無始生死亦如上說復告比丘譬如擲杖或根著地或頭著地或墮不淨穢惡之處或復墮於清淨之處一切衆生亦復如是爲無明所覆或生天上及在人中或墮地獄餓鬼畜生或復墮於阿修羅有以是義故生死長遠廣說如是是故比丘當斷諸有應如是學諸比丘聞佛所說歡喜奉行

如是我聞一時佛在舍衛國祇樹給孤獨園

爾時佛告諸比丘譬如五輻車輪其有力者旋轉速疾一切衆生亦復如是爲無明覆輪轉五道所謂人天地獄餓鬼及以畜生如是無始生死是故比丘當斷諸有應作善法諸比丘聞佛所說歡喜奉行

如是我聞一時佛在王舍城毗富羅山下

爾時世尊告諸比丘諸行無常是生滅法無有



住時不可保信是壞敗法以是義故汝諸比丘於諸行所應知止足生厭惡想離於愛欲而求解脫復告比丘此毗富羅山往昔之時名曰婆耆半闍爾時此城名帝彌羅彼時人民壽四萬歲諸人民等欲上此山經於四日然後乃能至彼山頂時世有佛号迦孫如來

應供正遍知明行足善逝世間解無上士調御丈夫天人師佛世尊為諸弟子而說法要初中後善其義深遠其語巧妙純一無雜具足清白梵行之相比丘當知爾時婆耆半闍山相於今已滅人民盡死是佛世尊入涅槃後人壽轉減以是義故諸行無常是生滅法

無有住時不可保信是壞敗法是故比丘於諸行所應知止足生厭惡想離於愛欲而求解脫復告比丘乃往昔時此山名曰朋迦干時此城名阿毗迦時彼世人壽三萬歲此諸眾生若欲上山經於三日便得往還時世有佛世尊号迦那含牟尼如來應供正遍知明

洲七

十

行足善逝世間解無上士調御丈夫天人師佛世尊爾時如來普為大眾演說法要所演說者初中後善其義深遠其語巧妙具足清淨顯發梵行之相比丘當知彼佛世尊入涅槃後人民轉減于時山相於今已滅人民死盡是故比丘諸行無常是變易法不可恃怙

會歸磨滅汝等應當於諸行所宜知止足生厭惡想離於愛欲而求解脫佛復告諸比丘乃往古昔此山名曰善邊爾時國土名曰赤馬于時人民壽二萬歲當爾之時有佛出世号曰迦葉如來應供正遍知明行足善逝世間解無上士調御丈夫天人師佛世尊廣為大眾敷演分別諸法秘奧其所說者初中後善其義深遠其語巧妙純一無雜具足清白梵行之相比丘當知善邊山名於今已滅人皆終歿彼佛世尊入般涅槃人命轉減以是義故諸行無常是變易法無有住時不可恃怙會歸磨滅是故宜應於諸行所生於止足

厭惡之想離於愛欲而求解脫此山今復名毗富羅而斯國土名摩竭提是中衆生壽命百年或增或減此諸衆生若欲上山須更之頃即便往還我釋迦文出現於世十号具足爲衆演說無量經典其所說者初中後善其義深遠其語巧妙純一無雜具足清白梵行之相復告比丘此山名字并及國人不以亦當悉皆滅盡我亦不以當入涅槃以是義故諸行無常是變易法無有住時不可恃怙會歸磨滅是故比丘宜應至心於諸行所生止足想厭惡之心離於愛欲而求解脫尔時世尊即說偈言

婆耆半闍帝彌羅 阿毗迦羅朋伽迦  
善邊之山赤馬國 毗富羅山摩竭提  
諸山悉滅人亦終 佛入涅槃壽命滅  
以是義故諸行無常是生滅法生滅滅已寂  
滅爲樂時諸比丘聞佛所說歡喜奉行  
城山過去 無地方所 衆生無不

是鹿雨滴 雨如縛掃等 擲杖還轉輪  
毗富羅

十末

別譯雜阿含經卷第十七

淵七

頸居領反 斲卓音 驪上郎和反 豕反式 削音 別反吾  
沛丁歷反 籌反直 流反 溢反夷 一反 穀反胡 谷反 泡音 緻反直 利

篲音 輻音 恃音 怙市戶音

別譯雜阿含經卷第十八

淵八

失譯今附秦錄

如是我聞一時佛住王舍城迦蘭陀竹林尔時犢子梵志往詣佛所慰問如來在一面坐白佛言世尊我有少疑將欲請問設若多聞願垂聽察佛告犢子若有所疑隨汝所問犢